

Broj: 13/06-1-30-6-550/26
Sarajevo, 13.04.2026. godine

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“ broj: 49/05 i 103/21), Pravilnika o unutrašnjoj organizaciji Porezne uprave Federacije Bosne i Hercegovine broj: 03-02-8069/12 od 05.06.2013. godine, Saglasnosti Federalnog ministarstva finansija-financija broj: 03-45-1-7934/25 od 05.12.2025. godine, nakon provedenog internog oglašavanja, u skladu s članom 21. Zakona o namještenicima u organima državne službe u Federaciji Bosne i Hercegovine, Porezna uprava Federacije Bosne i Hercegovine objavljuje

JAVNI OGLAS
ZA POPUNU UPRAŽNJENIH RADNIH MJESTA NAMJEŠTENIKA
U POREZNOJ UPRAVI FEDERACIJE BOSNE I HERCEGOVINE

I.

U skladu sa Saglasnosti Federalnog ministarstva finansija-financija broj: 03-45-1-7934/25 od 05.12.2025. godine, na temelju Odluke broj: 13/06-1-30-6-246-10-10/25 od 22.12.2025. godine za popunu upražnjenih radnih mjesta namještenika, Porezna uprava Federacije Bosne i Hercegovine javnim oglašavanjem vrši prijem 2 (dva) namještenika u radni odnos na neodređeno vrijeme u organizacione jedinice Porezne uprave Federacije Bosne i Hercegovine, kako slijedi:

I KANTONALNI POREZNI URED NOVI TRAVNIK

– Porezna ispostava Travnik

1. Viši referent za javne prihode – administrator – 1 izvršilac

Opis poslova: vodi dosije poreznih obveznika; po nalogu šefa ispostave vrši preknjižavanje pogrešnih uplata poreznih obveznika; predaje u arhivu obrađene porezne prijave; prijem, provjera i obrada zahtjeva za izdavanje porezne kartice i prateće dokumentacije; popunjavanje podataka u poreznoj kartici i njeno izdavanje podnosiocu zahtjeva; vodi evidenciju zahtjeva za izdavanje porezne kartice; izdavanje duplikata na zahtjev zaposlenika u slučaju otuđenja, gubitka, uništenja ili nestanka porezne kartice; prijavljuje, odjavljuje i administrira korisnicima informacionog sistema zaposlenim u poreznoj ispostavi; pridružuje porezne obveznike u nadležnosti zaposlenim po nalogu šefa ispostave; vrši prijavu poreznih obveznika za korištenje informacionog sistema porezne uprave; vrši i druge poslove po nalogu šefa ispostave.

Uslovi za vršenje posla: SSS - gimnazija, ekonomska, upravna, birotehnička ili druga srednja škola, najmanje 10 (deset) mjeseci radnog staža, poznavanje rada na računaru i položen stručni ispit.

Neto plata za radno mjesto višeg referenta za javne prihode – administratora iznosi 1.534,73 KM.

II KANTONALNI POREZNI URED LJUBUŠKI

– Porezna ispostava Ljubuški

2. Higijeničar-kurir – 1 izvršilac

Opis poslova: održava čistoću uredskih prostorija ispostave; održava čistoću prostora koji pripada zgradi u kojoj je smještena ispostava (dvorište zgrade, parking prostor); obavlja kurirske poslove; vrši druge poslove po nalogu šefa ispostave.

Uslovi za vršenje posla: NSS - osmogodišnja škola

Neto plata za radno mjesto higijeničar-kurir se utvrđuje u skladu sa članom 6. stav 2. Zakona o plaćama i naknadama u organima vlasti u Federaciji Bosne i Hercegovine ("Službene novine Federacije Bosne i Hercegovine", broj: 45/10, 111/12, 20/17 22/19 - odluka Ustavnog Suda i "Sl. glasnik BiH", br. 74/2023 -

odluka US BiH) kojim je propisano da osnovna plaća ne može biti manja od 70% prosječne neto plaće isplaćene u Federaciji prema posljednjem objavljenom statističkom podatku.

II.

U svrhu dokaza o ispunjavanju općih uslova utvrđenih u članu 24. Zakona o namještenicima u organima državne službe u Federaciji Bosne i Hercegovine i posebnih uslova iz Pravilnika o unutrašnjoj organizaciji Porezne uprave Federacije Bosne i Hercegovine, kandidat je dužan priložiti sljedeća dokumenta **u formi originala ili ovjerene fotokopije**:

1. **Prijava na Javni oglas** (urnek prijave je u prilogu Javnog oglasa).
2. **CV** (u slobodnoj formi).
3. **Uvjerenje o državljanstvu** (ne starije od šest mjeseci od datuma izdavanja, pri čemu se navedeni rok računa od dana izdavanja Uvjerenja od nadležnog organa (a ne od datuma ovjere fotokopije istog) do dana predaje na Javni oglas).
4. **Izvod iz matične knjige rođenih** (Uvjerenja o evidencijama iz matične knjige se neće priznavati kao dokaz).
5. **Dokaz o vrsti i stepenu školske spreme (NK, SSS, VŠS, VSS):**
Kao dokaz o vrsti i stepenu školske spreme se priznaju sljedeći dokumenti:
 - diploma ili uvjerenje ili svjedočanstvo o završenom osnovnom, srednjem, višem ili visokom obrazovanju (u zavisnosti od radnog mjesta na koje se podnosi prijava i posebnih uslova za vršenje posla tog radnog mjesta);
 - svjedočanstvo o završenom obrazovanju iz kojeg se vidi da je kandidat sa uspjehom završio obrazovanje i stekao potrebno zvanje.

Ukoliko je diploma stečena van države Bosne i Hercegovine potrebno je uz diplomu dostaviti Rješenje o nostrifikaciji diplome. Za kandidate koji su visoko obrazovanje stekli po Bolonjskom sistemu studiranja, uz diplomu dostavlja se i dodatak diplomi, a skladu sa važećim zakonskim propisima. Izuzetno, u slučaju da visokoškolska ustanova dodatak diplomi nije uopće izdavala ni za jednog diplomca, kandidat je dužan da uz diplomu dostavi Uvjerenje visokoškolske ustanove da dodatak diplomi nije uopšte izdat niti za jednog diplomca.

Napomena: Neće se uzeti u razmatranje prijave kandidata koji kao dokaz o traženom obrazovanju dostave svjedodžbe o završenom I, II, III i IV razredu srednje škole, a uz navedene svjedodžbe ne dostave diplomu ili uvjerenje o završenom obrazovanju ili svjedodžbu o završenom obrazovanju.

6. **Izjava da u posljednje dvije godine od dana objavljivanja Javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini** (ovjerena u nadležnoj službi općine koja vrši ovjeru potpisa ili notara, data i ovjerena nakon objave Javnog oglasa. Izjava mora sadržavati cjelokupan tekst Izjave kako je propisano u suprotnom prijava kandidata neće ispunjavati uslove iz Javnog oglasa. Urnek Izjave je u prilogu Javnog oglasa).
7. **Izjava da nije obuhvaćen odredbom člana IX 1. Ustava Bosne i Hercegovine** (ovjerena u nadležnoj službi općine koja vrši ovjeru potpisa ili notara, data i ovjerena nakon objave Javnog oglasa. Izjava mora sadržavati cjelokupan tekst Izjave kako je propisano u suprotnom prijava kandidata neće ispunjavati uslove iz Javnog oglasa. Urnek Izjave je u prilogu Javnog oglasa).
8. **Dokaz o radnom stažu (sa SSS, VŠS ili VSS) za radno mjesto pod rednim brojem: 1.**
Kao dokaz o radnom stažu se priznaje neki od sljedećih dokumenata:
 - Uvjerenje nadležne porezne ispostave prema mjestu prebivališta kandidata (ovjereno pečatom i potpisom nadležne osobe u kojem su tačno naznačeni periodi prijave i odjave kandidata i obavezno naznačena školska sprema sa kojom je kandidat obavljao poslove).
 - Uvjerenje Zavoda za penzijsko i invalidsko osiguranje (PIO/MIO). Uz uvjerenje Zavoda za penzijsko i invalidsko osiguranje o podacima registrovanim u matičnoj evidenciji nadležne institucije obavezno je dostavljanje potvrde koja razjašnjava šifre zanimanja iz uvjerenja (listinga) tako da se može vidjeti sa kojom stručnom spremom je kandidat radio i koliko dugo, ukoliko naznaka stručne spreme nije vidljiva iz Uvjerenja.
 - Potvrda/Uvjerenje o radnom stažu poslodavca. Ukoliko se kao dokaz o stažu dostavlja potvrda/uvjerenje poslodavca, isto mora obavezno sadržavati sljedeće podatke: naziv i sjedište poslodavca, broj, datum i mjesto izdavanja potvrde, podatke o nazivu radnog mjesta, odnosno vrsti poslova koje je kandidat obavljao, obavezno naznačenu školsku spremu sa kojom je obavljao navedene poslove, period obavljanja poslova s tom stručnom spremom, potpis ovlaštenog lica i pečat.

Napomena: Kao dokaz o radnom stažu neće se uzimati u razmatranje radna knjižica, pismo preporuke, ugovor o djelu (rad po osnovu ugovora o djelu), te potvrda/uvjerenje o obavljenoj ferijalnoj praksi.

9. Dokaz o poznavanju rada na računaru za radno mjesto pod rednim brojem: 1.

Kao dokaz o poznavanju rada na računaru priznaje se neki od sljedećih dokumenata:

- Certifikat na ime kandidata o uspješno završenom kursu i poznavanju rada na računaru izdatog od strane subjekta registrovanog za obavljanje obuke iz te djelatnosti;
- Ovjerena fotokopija indeksa/dodatka diplomi o položenom ispitu informatike;
- Svjedočanstvo o završenom razredu ili obrazovanju gdje je kandidat pohađao predmet informatike;
- Prepis ocjena gdje se vidi da je kandidat pohađao predmet informatike.

Ukoliko kandidati dostave neki od navedenih dokaza potrebno je da naglase u prijavi da se navedeni dokument dostavlja kao dokaz o poznavanju rada na računaru.

Napomena: potvrda ili uvjerenje poslodavca kod kojeg je kandidat radio ili sa kojom je ostvario poslovnu saradnju, odnosno pisana preporuka kojom se potvrđuje traženi nivo znanja rada na računaru kandidata neće se prihvatiti kao validan dokaz, jer isti nisu registrovani za obavljanje obuke iz te djelatnosti.

10. Dokaz o položenom stručnom ispitu za radno mjesto pod rednim brojem: 1.

11. Dokaz o zdravstvenoj sposobnosti/ljekarsko uvjerenje obavezan je dostaviti neposredno prije stupanja u radni odnos kandidat koji bude izabran.

III.

U skladu s članom 32. Zakona o namještenicima u organima državne službe u Federaciji Bosne i Hercegovine namještenici srednje školske spreme koji za vrijeme prijema u radni odnos u organ državne službe imaju navršen radni staž u trajanju od šest, odnosno devet mjeseci od dana sticanja više školske spreme, a nisu položili stručni ispit mogu se primiti u radni odnos, ali su dužni taj ispit položiti najkasnije u roku od šest mjeseci od dana prijema u radni odnos u organ državne službe (odnosno od dana stupanja u rad u organ državne službe). Namješteniku koji ne položi stručni ispit u roku prestaje radni odnos u organu državne službe. Sredstva za polaganje stručnog ispita namještenika osigurava organ državne službe iz kojeg namještenik polaže stručni ispit, a sredstva za polaganje popravnog ispita snosi namještenik.

Shodno članu 31. stav (2) Zakona o namještenicima u organima državne službe u Federaciji Bosne i Hercegovine namještenici više školske spreme iz organa državne službe na svim nivoima vlasti u Federaciji i namještenici srednje školske spreme iz federalnih i kantonalnih organa državne službe stručni ispit polažu pred komisijom koju imenuje federalni ministar pravde (pri Federalnom ministarstvu pravde).

IV.

Kandidati koji uz prijavu na Javni oglas kao dokaz o stručnoj spremi i radnom stažu dostave dokaz na osnovu kojeg se može utvrditi da posjeduju viši stepen stručne spreme od one koja je tražena Javnim oglasom, kao i dokaz o radnom stažu koji je stečen sa višim stepenom stručne spreme od one koja se traži Javnim oglasom, smatrat će se da u skladu s Uredbom o izmjenama i dopunama Uredbe o dopunskim poslovima osnovne djelatnosti i poslovima pomoćne djelatnosti iz nadležnosti tijela državne službe koje obavljaju namještenici („Službene novine Federacije Bosne i Hercegovine“ broj: 65/20) ispunjavaju uslove koji se odnose na traženi nivo i vrstu školske odnosno stručne spreme i radni staž.

V.

Provođenje Javnog oglasa vrši se na način propisan u članu 23. Zakona o namještenicima u organima državne službe u Federaciji Bosne i Hercegovine.

Sa kandidatima sa liste kandidata koji ispunjavaju sve uslove Javnog oglasa, koju će utvrditi komisija prema svim činjenicama koje su tražene Javnim oglasom, obaviti će se intervju, nakon čega će se donijeti odluka o prijemu namještenika u radni odnos na neodređeno vrijeme.

VI.

Javni oglas ostaje otvoren 15 (petnaest) dana od dana objavljivanja u dnevnim listovima „Večernji list“, „Dnevni list“ i „Dnevni avaz“.

Prijave sa svim traženim dokumentima iz člana II. Javnog oglasa se dostavljaju na adresu, preporučenom poštanskom pošiljkom ili lično, u zatvorenoj kovrti:

**POREZNA UPRAVA FEDERACIJE BOSNE I HERCEGOVINE
SREDIŠNJI URED SARAJEVO**

Husrefa Redžića br. 4

71000 Sarajevo

sa naznakom

„Javni oglas za prijem namještenika“

**„Pozicija radnog mjesta broj ____ (redni broj radnog mjesta) u KPU _____.“
ne otvaraj - (OTVARA KOMISIJA)**

Neblagovremene prijave neće se uzeti u razmatranje, a nepotpune prijave kandidata će se naći na Listi kandidata koji ne ispunjavaju sve uslove Javnog oglasa.

Ukoliko se kandidat prijavljuje na radna mjesta u različitim Kantonalnim poreznim uredima, za svaki pojedinačni Kantonalni porezni ured je dužan dostaviti odvojenu prijavu/kovrtu sa svom traženom dokumentacijom iz člana II. Javnog oglasa.

NAPOMENA:

U skladu s članom 28. Zakona o namještenicima u organima državne službe u Federaciji Bosne i Hercegovine namještenici koji se primaju u radni odnos putem javnog oglasa podliježu obavezi probnog rada koji traje tri mjeseca.

Kandidati sa danom objave Javnog oglasa, odnosno sa danom predaje prijave moraju ispunjavati sve opće i posebne uslove.

Kandidati koji budu izabrani dužni su neposredno pred stupanje u radni odnos dostaviti uvjerenje o općoj zdravstvenoj sposobnosti za obavljanje poslova radnog mjesta.

Tekst Javnog oglasa, kao i urnek Prijavnog obrasca iz člana II. tačka 1. i Izjave iz člana II. tačka 6. i 7. mogu se preuzeti sa web stranice Porezne uprave Federacije Bosne i Hercegovine <https://www.pufbih.ba>, Odjeljak „Oglasi i konkursi“, „Javni oglasi“ u objavi predmetnog oglasa.

Skreće se pozornost kandidatima da prilikom dostavljanja prijave i popunjavanja kovrti na zatvorenoj kovrti (na prednjoj strani) obavezno naznače „Javni oglas za prijem namještenika“, „Pozicija radnog mjesta broj ____ (redni broj radnog mjesta) u KPU _____ (naziv Kantonalni porezni ured _____).“



ZAMJENIK DIREKTORA

Slobodan Vukoja, dipl.oec.